

et fut envoyé en 1403 par Timour comme ambassadeur à la Cour de Charles VI, roi de France. A Jean de Cora est attribué un *Estat et la Gouvernance du Grand Khan de Cathay, souverain empereur des Tartres*, que nous mentionnons plus haut, écrit vers 1330; il nous parle ainsi de Jean de Monte Corvino :

« En la ditte cite de Cambalech, fut uns archeuesques qui auoit nom frere iehan du mont Curuin de lordre des freres meneurs. et y estoit legas enuoiez du pappe Clement. Cilz arceuesques fist en celle cite dessus ditte trois lieux de freres meneurs et sont bien deux lieues loings ly uns de lautre. il en fist aussy deux autres en la cité de Racon que est bien loings de Cambalech. le voiaige de trois mois et est d'en costé la mer, esquelz deux lieux furent deux freres meneurs euesques. Ly uns eut nom frere Andrieu de paris. et ly autres ot nom frere pierre de Florense. Cilz freres iehans larceuesque conuerty là moult de gens a la foy ihesusrist. Il est homs de tres honneste vie et agreable a Dieu et au monde, et tres bien auoit la grace de lempereur. Ly empereres lui faisoit tousiours et a toute sa gent aministrer toutes leurs neccessitez et moult le amoient tous crestiens et paiens. Et certes, il eust tout ce pays converty a la foy crestienne et catholique, se ly Nestorin faulx crestiens et mescreans ne les eussent empechiet et nuist. Ly dis arceuesques ot grant paine pour ces nestorins ramener a la obediencie de nostre mere sainte eglise de romme, sans laquelle obediencie il disoit que ilz ne pouuoient estre sauue. et pout ceste cause ces nestorins scismat auoient grant enuie sur lui. Cilz arceuesques comme il plot a Dieu est nouvellement trespassez de ce siecle. A son obseque et a son sepulture vinrent tres grant multitude de gens crestiens et de paiens. Et desciroient ces paiens leurs robes de dueil, ainsi que leur guise est. Et ces gens crestiens et paiens pristrent en grant deuocion des draps de larceuesque, et le tinrent a grant reverence et pour relique. La fu il euseuelis moult honnourablement a la guise des fiable crestiens. Encore uisete on le lieu de sa sepulture a moult grant deuocion ». ¹

1. *Nouv. J. As.*, 1830, VI, pp. 68-69.